



REPUBLIKA E SHQIPËRISË  
UNIVERSITETI I ARTEVE  
BORDI I ADMINISTRIMIT

Nr. 893 / Prot.

Tiranë, më 10/07.2024

VENDIM

Nr. 13, datë 10/07.2024

PËR

**“MIRATIMIN E PAGESAVE PËR ANËTARËT, KRYETARËT DHE SEKRETARËT  
E KOMISIONEVE TË ANGAZHUARA NË PROCESIN E ZGJEDHEVE TË  
ORGANEVE DHE AUTORITETEVE DREJTUESE, NË UNIVERSITETIN E  
ARTEVE”**

Mbështetur në nenin 3, pika 3, gërma “ç”, në nenin 49 dhe 131 të ligjit nr. 80/2015, datë 22.07.2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, i ndryshuar, në Urdhrin nr. 101, datë 13.03.2024 të MAS “Për procesin zgjedhor për autoritetet dhe organet drejtuese në institucionet publike të arsimit të lartë”, në nenin 22, pika 9 të Statutit të Universitetit të Arteve si dhe në Rregulloren “Për organizimin e zgjedhjeve për autoritetet drejtuese dhe Senatin Akademik në Universitetin e Arteve”, miratuar me VSA nr. 17, datë 29.03.2024, Bordi i Administrimit të Universitetit të Arteve, pasi shqyrtoi propozimin për pagesën e komisioneve të angazhuara në zgjedhje, të përcjellë përmes shkresës nr. 893 prot., datë 08.07.2024, në mbledhjen e datës 10.07.2024, me votim të hapur,

V E N D O S I:

1. Të përcaktojë pagesën në vlerën e 1 (një) page mujore për kryetarët, anëtarët dhe sekretarët, personel akademik/administrativ, të Komisionit Institucional të Zgjedhjeve (KIZ), të Komisionit Zgjedhor të Fakultetit të Muzikës, të Komisionit Zgjedhor të Fakultetit të Arteve të Bukura, të Komisionit Zgjedhor të Fakultetit të Artit Skenik si dhe të Komisionit të Apelimit (KA), për angazhimin e tyre në procesin zgjedhor për organet dhe autoritetet drejtuese të Universitetit të Arteve, sipas listës emërore në materialin bashkëngjitur.
2. Të përcaktojë pagesën në vlerën e 1 (një) page mujore të punonjësit mësimor nga kategoria asistent-lektor, për anëtarët studentë në Komisionin Institucional Zgjedhor, në Komisionin Zgjedhor të Fakultetit të Muzikës, në Komisionin Zgjedhor të Fakultetit të Arteve të Bukura dhe në Komisionin Zgjedhor të Fakultetit të Artit Skenik, sipas listës emërore në materialin bashkëngjitur.



3. Ngarkohen për zbatimin e këtij vendimi Administratori i UART si dhe Drejtoria Ekonomike.

Ky vendim hyn në fuqi menjëherë.

**BORDI I ADMINISTRIMIT I UNIVERSITETIT TË ARTEVE**

**Lavdrim SAHITAJ**

**(Kryetar)**

**Prof. Besnik Bisha**

**(Anëtar)**

**Jeton SHEHU**

**(Anëtar)**

**Prof.Asoc.Dr. Sokol SARACI**

**(Anëtar)**

**Ergis SEFA**

**(Anëtar)**

**Lorenc VANGJELI**

**(Anëtar)**

**Vladimir LLAKAJ**

**(Anëtar)**





REPUBLIKA E SHQIPËRISË  
UNIVERSITETI I ARTEVE  
REKTORATI  
REKTORI

Nr. 893 Prot.

Tiranë, më 8.7 .2024

Lënda: Për propozimin e tarifave dhe pagesave mbi procedurën e promovimit të personelit akademik si dhe pagesave për komisionet e angazhuara në zgjedhje

SENATIT AKADEMIK, UART

BORDIT TË ADMINISTRIMIT, UART

Për dëjjeni: ADMINISTRATORIT, UART  
Znj. Alma SINANAJ

*Të nderuar,*

Në zbatim të nenit 60 dhe 61 të ligjit nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, i ndryshuar, të Statutit të UART, i ndryshuar, si dhe të Rregullores “Për organizimin dhe funksionimin e Komisionit të Promovimit të Personelit Akademik (KPPA) të Universitetit të Arteve”, miratuar me VSA nr. 18, datë 11.04.2024, në Universitetin e Arteve është përmbyllur procedura e promovimit të personelit akademik përsa i përket dhënies së titujve “Profesor i asociuar në arte” dhe “Profesor në arte”. Propozimet e Komisionit për Promovimin e Personelit Akademik për dhënien e titujve si dhe vendimet e Senatit Akademik për dhënien e titullit për çdo kandidat i janë përcjellë Bordit të Administrimit të UART, me shkresën nr. 791 prot., datë 20.06.2024.

Neni 36 i Rregullores “Për organizimin dhe funksionimin e Komisionit të Promovimit të Personelit Akademik (KPPA) të Universitetit të Arteve”, me titull “Efektet financiare dhe shpërblimi i anëtarëve”, nxjerr si detyrë përcaktimin e disa çështjeve që lidhen me tarifa dhe pagesa.

Për këtë arsye, në cilësinë e kryetarit të Komisionit për Promovimin e Personelit Akademik, pas një procesi të gjatë konsultimesh dhe diskutimesh, vlerësoj të paraqes për vlerësim dhe më tej për miratim, para Senatit Akademik, Bordit të Administrimit dhe Administratorit propozimet e KPPA si më poshtë:





1. Në lidhje me përcaktimin e pagesës së anëtarëve të Komisionit për Promovimin e Personelit Akademik për punën e kryer (neni 36, pika 1 e Rregullores):

- Kryetari dhe anëtarët e KPPA të shpërblehen në masën e një page mujore për punën vjetore, pavarësisht numrit të mbledhjeve.

2. Në lidhje me përcaktimin e pagesës së sekretariatit të KPPA për punën e kryer (neni 36, pika 2 e Rregullores):

- Sekretariati i KPPA të shpërblehet në masën e një page mujore për punën vjetore, pavarësisht numrit të mbledhjeve.

Ky Komision përbëhet nga një numër i madh anëtarësh (7 anëtarë) dhe sekretarësh (3 sekretarë) dhe procedurat që ndjek ky komision për dhënien e titujve (sqarojmë se ky Komision angazhohet si për dhënien e titujve “Profesor”/“Profesor i asociuar”, ashtu edhe “Profesor në arte”/“Profesor i asociuar në arte”), parashikojnë realizimin e një numri të madh mbledhjesh. Mbi bazën e përllogaritjeve është vlerësuar se efekti financiar për institucionin do të ishte i konsiderueshëm nëse anëtarët dhe sekretarët do të paguheshin për çdo mbledhje, si për shembull sipas VKM nr. 656, datë 31.10.2018 “Për përcaktimin e masës së shpërblimit të anëtarëve të këshillave, bordeve ose komisioneve të përhershme të njësisive të qeverisjes qendrore”, i ndryshuar. Për këtë arsye, është propozuar që pagesa të jetë në masën e një page mujore.

3. Në lidhje me përcaktimin e pagesës së kryetarit dhe anëtarëve të jurisë për vlerësimin e dosjes së kandidatit për titullin akademik të kërkuar (neni 36, pika 3 e Rregullores):

- Për marrjen e titullit “Profesor i asociuar” apo “Profesor”, kosto e kryetarit të jurisë:  
 $1 \text{ (një)} \times 20 \text{ orë} \times 1.410 \text{ l/orë} = 28.200 \text{ lekë}$
- Për marrjen e titullit “Profesor i asociuar” apo “Profesor”, kosto e anëtarëve të jurisë:  
 $4 \text{ (katër)} \times 15 \text{ orë} \times 1.410 \text{ l/orë} = 84.600 \text{ lekë}$

Për përcaktimin e ngarkesës së punës, të shprehur në orë, është marrë për referencë Udhëzimi nr. 29, datë 10.09.2018 i MAS “Për veprimtarinë dhe ngarkesën mësimore të personelit akademik në institucionet e arsimit të lartë”. Në kreun II, pika 12, gërma “gj”, parashikohet ngarkesa për pjesëmarrje në juri doktrate, e cila për kryetarin e jurisë përcaktohet në 15 orë, ndërsa për anëtarët në 10 orë. Duke konsideruar se vlerësimi i dosjeve për dhënien e titujve kërkon një anagzhim më të madh, është vlerësuar rritja e orëve të punës me 5 orë më shumë për secilën kategori, duke dale në përfundimin 20 orë për kryetarin dhe 15 orë për anëtarët.

4. Në lidhje me shpenzimet e udhëtimit dhe akomodimit për anëtarët e jurisë me vendbanim jashtë Tiranës apo jashtë vendit (neni 36, pika 4 e Rregullores):

- Shpenzimet e udhëtimit dhe akomodimit përballohen nga vetë kandidati që kërkon të promovohet.





Mundet që në jurinë e kandidatit që kërkon të promovohet të angazhohen persona që kanë vendbanim jashtë qytetit të Tiranës apo që jetojnë përtej kufijve. Siç dihet, pjesëmarrja fizike e tyre ka një kosto të lartë, që lidhet me shpenzimet e transportit, akomodimit si dhe të dietës. Në këtë rast, është vlerësuar që këto shpenzime të përballohen nga vetë kandidati duke çuar në rritjen e kostos totale të shërbimit të kandidatit që kërkon të promovohet. UART do të mbulojë fillimisht shpenzimet, të cilat do t'i faturohen në fund kandidatit që kërkon të promovohet, sipas procedurave përkatëse administrative.

Është vlerësuar edhe mundësia e rritjes së kostos totale të shërbimit për të gjithë kandidatët, me qëllim mbulimin e shpenzimeve të anëtarit të jurisë së kandidatit me vendbanim jashtë Tiranës apo jashtë territorit të Republikës së Shqipërisë, por si përfundim është gjykuar se kjo do të ishte në disavantazhin e kandidatëve të tjerë, të cilët angazhojnë në jurinë e tyre vetëm anëtarë me vendbanim në Tiranë.


5. Në lidhje me përcaktimin e tarifës së aplikimit, shpenzimet administrative si dhe tarifën për shërbimin e kryer (kosto totale) për kandidatët që kërkojnë të promovohen për fitimin e një titulli akademik (neni 36, pika 5 e Rregullores):

- Për marrjen e titullit “Profesor i asociuar”/“Profesor”, për aplikantët që janë personel me kohë të plotë në UART:
  - Shpenzimet administrative të jenë: 7.200 lekë
  - Tarifa për shërbimin të jetë: 120.000 lekë
- Për marrjen e titullit “Profesor i asociuar”/“Profesor”, për aplikantët që nuk janë personel me kohë të plotë në UART:
  - Shpenzimet administrative të jenë: 7.200 lekë
  - Tarifa e aplikimit të jetë: 50.000 lekë
  - Tarifa për shërbimin të jetë: 170.000 lekë

Gjithashtu, bazuar në nenin 131 të ligjit nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, i ndryshuar si dhe në Urdhrin nr. 101, datë 13.03.2024 të MAS “Për procesin zgjedhor për autoritetet dhe organet drejtuese në institucionet publike të arsimit të lartë”, në Universitetin e Arteve, më datë 21 Qershor 2024 janë mbajtur zgjedhjet për autoritetet e reja drejtuese dhe Senatin Akademik. Me qëllim të mbarëvajtjes së gjithë procesit zgjedhor, janë ngritur Komisioni Institucional i Zgjedhjeve (KIZ), Komisionet e Zgjedhjeve në Fakultete (KZF) si dhe Komisioni i Apelimit (KA).

Mbështetur në nenin 22, pika 9 të Statutit të UART si dhe në Rregulloren “Për organizimin e zgjedhjeve për autoritetet drejtuese dhe Senatin Akademik në Universitetin e Arteve”, miratuar me VSA nr. 17, datë 29.03.2024, propozojmë që:

- Kryetari, anëtarët dhe sekretari i Komisionit Institucional të Zgjedhjeve (KIZ) të Komisionit të Zgjedhjeve në Fakultete (KZF) si dhe të Komisionit të Apelimit (KA), personel akademik apo administrativ, të shpërblehen në masën e një page mujore. Pagesa në vlerën e një page mujore është e përcaktuar në mënyrë taksative nga aktet e mësipërme, sikundër rrjedh edhe nga praktika e viteve të kaluar.







- Studentët, anëtarë në KIZ apo KZF, të shpërblehen në masën e një page mujore të punonjësit mësimor nga kategoria asistent-lektor.

Bazuar në Vendimet përkatëse për konstituimin e këtyre Komisioneve, më poshtë anëtarësia për secilin Komision:

- ***Komisioni Institucional i Zgjedhjeve:***
  1. Z. Orges Malaj
  2. Z. Shpëtim Kërçova
  3. Znj. Suela Agolli
  4. Znj. Adela Kusuri
  5. Znj. Sara Caca (studente)
  6. Z. Redjan Mulla
- ***Komisioni Zgjedhor i Fakultetit të Muzikës***
  1. Znj. Nereida Fico
  2. Z. Lorenc Treska
  3. Z. Fabjol Aliaj (student)
  4. Znj. Ardita Bufaj
- ***Komisioni Zgjedhor i Fakultetit të Arteve të Bukura***
  1. Z. Artan Buca
  2. Z. Genc Përmeti
  3. Z. Erlind Fusha (student)
  4. Z. Harri Aleksi
- ***Komisioni Zgjedhor i Fakultetit të Artit Skenik***
  1. Znj. Rozina Kostani
  2. Z. Ervin Meniko
  3. Z. Dorjan Kodra (student)
  4. Z. Eno Milkani
- ***Komisioni i Apelimit***
  1. Znj. Elvina Koçillari
  2. Z. Petraq Papa
  3. Z. Artur Selmani
  4. Znj. Fatmira Keta

Për sa më sipër, kërkohet nga Senati Akademik të marrë në shqyrtim dhe të vendosë paraprakisht propozimet lidhur me tarifatat dhe pagesat për procedurën e promovimit të personelit akademik ndërsa Bordi i Administrimit të miratojë pagesat për anëtarët e komisioneve të angazhuar në zgjedhjet për autoritetet dhe organet drejtuese në UART, sipas këtij relacioni.

Duke Ju falenderuar për bashkëpunimin,

  
**Prof. Kastriot CAUSHI**



